

古今事文類聚

別集
廿五之廿六

~~9~~

逍遙文庫
文庫 6
28
66





新編古今事文類聚別集卷之二十五

建安 祝穆 和父 編

金陵 唐富春 子和 梓

人事部

行旅

羣書要語旅瑣瑣注瑣細小也最處下極寄旅不得所安而為
 斷賤之役所取致旅卦旅即次懷其資得僮僕貞同上旅而
 無所容故受之以巽巽者入也注旅而無所容以巽則得所入
 也序卦載脂載牽還軍言邁泉水星言夙駕定之方中今者關
 然數日不見車馬有行色莊盜匪適百里者宿春適千里者三

月聚粮莊子跋履山川踰越險阻左成十三征夫勞于周行楚

詞僕夫悲予懷兮馬蹇局而不行楚詞日既西頽車殆馬煩洛

神賦暴足入秦李斯書已業行姜敬傳蒙霜露沐風雨淮南王

賜祿秩以辯裝龔勝傳櫛風沐雨多在道路文選行旅不齋粮

唐太宗紀繭足千里劉禹錫膏吾車兮林吾馬韓文行李之李

字人姓之外更無別義左傳行李之往來杜不究意理注云行

李使人也今遠行結束次第謂之行李而不悟是行使耳按舊

文使字作李傳寫誤作李資暇集

詩句誰能久京洛緇塵染素衣謝元暉夜聞漢使歸獨向刀頭

泣從軍行馬是賒來貴童因情得頑姚合慈母手中線游子身

上衣孟平生未到處落日獨行時張喬長為萬里客有愧百年

身杜旋呵鞭手凍粘鬚羅鄴朝遊九城陌肥馬香車欺殺客羅

宿五侯門殘茶冷酒愁殺人李白

古今事實

迷途莫問

黃帝將見大隗乎具茨之山方明為御昌寓驂乘張若謂明前
馬昆閻滑稽後車至於襄城之野七聖皆迷無所問途疏大隗
至人也莊子

異鄉見似人

子不聞夫越之流人乎去國數日見其所知而喜去國旬月見
所嘗見於國中者而喜及期年也見似人而喜矣不亦去人滋
久思入滋深乎夫迷虛空者藜藿柱乎鼯鼯之徑踉位其空聞

人足音楚然而喜矣况乎有昆弟親戚警歎於其側者乎莊子

百舍重趺

士成綺見老子百舍重趺眠而不敢息莊天道

就國夜行

師尚父就國道宿行遲逆旅之人曰吾聞時難得而易失客寢處安殆非就封者也太公聞之夜衣而行至國萊侯來伐與之爭營丘史記

躡躡擔簦

虞卿躡躡擔簦說趙王注發聲有柄者

思歸不忘

漢書韓王信報柴將軍曰僕之恩歸如痿人不忘起盲者不忘

視勢不可取

微行被辱

漢武帝嘗至柏谷夜投亭宿亭長不內乃宿於逆旅逆旅公謂上曰汝長大多力當勤稼穡何忽帶劍群聚夜行動衆此不欲為盜則淫耳上默然不應因乞漿飲翁曰吾止有溺無漿也有項還內上使人覘之見翁方要少年十餘人皆持弓矢刀劍令主人媼出安過客媼歸請其翁曰吾觀此丈夫乃非常人也且亦有備不可居也不如因禮之其夫曰此易與耳鳴鼓會衆謀此羣盜何憂不冠媼曰且安之令其眠乃可居也翁從之時上從者十餘人既聞其謀皆懼勸上夜去上曰去必致禍不如且止以安之有項媼出謂上曰諸公子不聞主人之言乎此翁好

飲酒狂悖不足計也。今日具令。公子安眠無他。嫗因還內。時天寒。嫗酌酒多。與其夫諸少年皆醉。嫗出謝客。殺雞作食。平明上去。是日還宮。乃召逆旅夫妻見之。賜嫗金十斤。其夫為羽林郎。自是懲戒。希復微行。漢武故事

隨牒遠方

康衡曰。但以無階朝廷。故隨牒在遠方。**注**謂隨補選之常牒。不被超擢也。

萍浮南北

鄭康成萍浮南北。黃巾為害。復歸邦鄉。

宿處輒掃

郭林宗每行宿逆旅。輒窮洒掃。及明去。後人至見之。曰。此必郭

有道昨宿處也。

夜宿古冢

陸雲嘗行逆宿故人家。夜暗迷路。莫知所從。忽望見草中有火光。於是趨之。至一家。便寄宿。見一少年。美風姿。共談老子。辭致深遠。向曉辭去。行十里。至故人家。云。此數里中。無人居。却尋即宿處。乃王臨冢。雲本無玄學。自此談老。殊進。本傳

途窮而哭

阮籍率意獨駕。不由徑路。車跡所窮。輒慟哭而返。

富悵贖錢

平陵士孫奮。富聞京師。性儉悵。嘗宿客舍。雇錢直甚少。主人曰。君惜錢如此。欲作士孫景卿耶。三輔決錄

新豐逆旅

馬周留客沐為浚儀令崔賢所辱遂感激而西舍新豐逆旅主人不之顧周命酒一斗八升悠然獨酌眾異之

古今文集

雜著

子長遊贈蓋邦式序

馬子才

予友蓋邦式嘗為予言司馬子長之文章有奇偉氣切有志於斯文也子其為說以贈我予謂子長之文章不在書學者毋以書求之則終身不知其奇予有史記一部在天下名山大川壯麗奇怪之處將與子周遊而歷覽之庶幾可以知此文矣子長生平喜遊方少年自負之時足跡不肯一日休非直為景物役

也將以盡天下大觀以助吾氣然後吐而為書則其平生所嘗遊者皆在焉南浮長淮沂大江見狂瀾驚波陰風怒號逆走而橫擊故其文奔放而浩漫望雲夢洞庭之陂彭蠡之豬混太虛呼噓萬壑而不見介量故其文停瀉而淵深見九嶷之芊綿巫山之崖我陽臺朝雲蒼梧暮煙態度無定靡曼綽約春粧如濃秋飾如薄故其文妍媚而蔚紆泛沅渡湘弔大夫之鬼悼妃子之恨竹上猶有班班而不知魚腹之骨尚無恙者乎故其文感憤而傷激比過大梁之墟觀楚漢之戰場想見項羽之喑鳴高帝之慢罵龍跳虎躍千兵萬馬太弓長戟俱遊而齊呼故其文雄勇猛健使人心悸而膽栗世家龍門念神禹之鬼功西使巴蜀跨劍閣之鳥道上有摩雲之崖不見斧鑿之痕故其文巖絕

峻拔而不可攀躋。講業齊魯之都。觀夫子之遺風。鄉射鄒嶧。彷徨乎汶陽洙泗之上。故其文典重溫雅。有似乎正人君子之容貌。凡天地之間。萬物之變。可驚可愕。可以娛心。使人憂使人悲者。子長盡取而為文章。是以變化出沒如萬象。供四時而無窮。今於其書而觀之。豈不信矣。予謂欲學子長之為文。先學其遊可也。不知學遊以采奇。而欲操筆弄墨。紐綴腐然者。乃其常常耳。昔公孫氏善舞。劔而學書者得之。乃入於神。庖丁氏善操刀。而養生者得之。乃極其妙。事固有殊類而相感者。其意同故也。今天下之絕縱詭觀。何以異於昔。子果能為我遊者乎。吾欲觀子矣。醉把盃酒。可以吞江南吳越之清風。拂劔長嘯。可以吸燕趙秦隴之勁氣。然後歸而治文著書。子畏子長乎。子畏子長乎。

不然斷編敗冊朝吟而暮誦之。吾不知所得矣。

古詩

途中

白居易

早起上肩揜。一盃平旦醉。晚憇下肩揜。一覺殘春睡。身不經營物。心不思量事。但恐綺與紈。只如吾氣味。

長安秋夕

戎昱

八月更漏長。愁人起常早。閉門寂無事。薄地生秋草。昨宵西窓夢。先入荆南道。遠客歸去來。在家貧亦好。

早行

孔文仲

客與謂已且出視。見落月瘦馬入荒陂。霜花重如雪。海風吹萬里。兩耳凍幾脫。歲晏已苦寒。近北尤凜冽。况當清曉行。翅此原

事文類聚別集

卷之二十一

五

德壽堂

野闊空飛帶繞頭，指強不得結農家。煙火微炙手粗，可熱豈能
透我留而就苟直活。仰頭視四字，夜氣亦漸豁。苦心待正晝，回
日想不缺。

遠遊篇 十九歲作

朱元晦

舉坐且停酒，聽我歌遠遊。遠遊何所至，咫尺視九州。九州何茫
茫，環海以為疆。上有孤鳳翔，下有神駒驤。孰能不懼遠，為我遊
其方。為子奉尊酒，擊缺歌慨慷。送子臨太路，寒日為無光。悲風
來遠壑，執手空徊徨。問子何所之，行矣戒關梁。世路百險艱，出
門始憂傷。東征憂賜谷，西遊畏羊腸。南轅犯瘴毒，北駕風裂裳。
願子馳取車，躡險摧其跂。我哉既不支，瑣瑣誰能當。朝登南樓
道，莫宿臨太行。睥睨即萬里，超忽凌八荒。無為蹙蹙者，終日守

空堂

行路難

張籍

相東行人長歎息，十年離家歸未得。敝裘羸馬苦難行，僮僕盡
飢少筋力。君不見牀頭黃金盡，壯士無顏色。龍蟠泥中未有雲，
不能生彼昇天翼。

羲和謚

楊廷秀

中秋夜宿辟邪市，詰朝早起曉星已上日欲出。而
月未落，光景萬變益天下奇觀也。作羲和謚以紀之。
羲和夢破欲啓行，紫金畢逋啼一聲。從天上下落人世，千村萬
落窳爭鳴。素娥西征未歸去，歎弄銀盤浣風露。一丸玉彈東飛
來，打落桂林雪毛兔。誰將紅錦幕半天，赤光絳氣貫山川。須臾

却駕丹砂轂，推上裏空輶。蒼臺詩翁已行十里強，羲和早起道無雙。

律詩

河陽道中

李洞

衝風仍躡凍，提轡手頻呵。翻憶江濤裏，船中睡益繁。

途中早發

劉禹錫

中庭望啓明，促促事晨征。寒樹鳥初動，霜橋人未行。水流白煙起，日上綵霞生。隱士應高枕，無人問姓名。

南山早行

温庭筠

晨起動征鐸，客行悲故鄉。雞聲茅店月，人跡板橋霜。槲葉落山路，枳花明驛牆。因思杜陵夢，鳥鴈滿迴塘。

秋江晚泊

杜荀鶴

一望一蒼然，蕭騷向暮天。遠山橫落日，歸鳥度平川。家是去年別月，當今夜。圓漁翁似相伴，徹曉蒼葦邊。

早行

賈島

早起赴前程，鄰雞尚未鳴。主人燈下別，羸馬月中行。踏石新霜滑，穿林宿鳥驚。遠山鍾動後，曙色漸分明。

早行

許渾

失枕驚先起，人家半夢中。聞雞憑早覺，占斗認西東。響濕知行露，衣單覺曉風。秋陽弄光影，忽吐半林紅。

絕句

李義山

君問歸期未有期，巴山夜雨漲秋池。何當共剪西窗燭，却話巴

山夜雨時

渡桑乾

賈島

客舍并州三十霜。歸心日夜憶咸陽。無端更渡桑乾水。却望并州是故鄉。

醉後

劉商

春草秋風老此身。一瓢長醉任家貧。醒來還愛浮萍草。漂寄官河不屬人。

秋霖夜憶家

韓渥

垂老何時見弟兄。背燈愁泣到天明。不知短髮能多少。一滴秋霖白一莖。

木溪道中

韓渥

水自潺湲日自斜。盡無難大有鳴鴉。千村萬落如寒食。不見人煙空見花。

早發

羅隱

北去南來無定居。此生計竟何如。酷憐一覺平明睡。長被雞聲惡破除。

看花

羅鄴

花開只怨看來遲。及到愁如味着時。家在楚鄉身在蜀。一年春色負歸期。

行次

前人

終日長程復短程。一山行盡一山青。路傍君子真相笑。天上由來有客星。

題驛舍

盧秉

青衫白髮病將軍，旋糴黃糧買酒樽。但得有錢買客醉，也勝騎馬傍人門。

宿濟州西門外旅館

晁端友

寒林殘日欲棲烏，壁裏青燈乍有無。小雨愔愔人假寐，卧聽疲馬嘶殘芻。

秋雨

張復之

簾幙蕭蕭竹院深，客懷孤寂伴燈吟。無端一夜空階雨，滴破思鄉萬里心。

次韻王稚川客舍

黃魯直

五更歸夢覺苦短，一寸客愁無奈多。慈母每占烏鵲喜，家人應

賦慶慶歌

王稚川既得官都下有所有所盼未歸予戲作林夫人稚川妻 欵乃歌二首與之

黃魯直

花上盈匕人不歸，東下暮也實已垂。臘雪在時聽馬嘶，長安城中花片飛。從師學道魚千里，蓋世功名黍一炊。日白倚門人不見，看盡林烏反哺兒。

春夕旅懷

崔塗

水流花謝兩無情，送盡東風過楚城。蝴蝶夢中家萬里，杜鵑枝上月三更。故園書動經年絕，華髮春惟兩鬢生。自是不歸歸便得，五湖煙景有誰爭。

倦客

鄭谷

十年五年岐路中。千里萬里西復東。疋馬愁衝晚村雪。孤舟阻
阻春江風。達士由來知道在。昔賢何必笑途窮。閑烹蘆笋炊菘
米。會向漁鄉作醉翁。

舟行即事

杜荀鶴

年少鬢髮雪欲侵。別家三百幾般心。朝隨賈客憂風色。夜逐漁
翁宿葦林。秋水鷺飛紅蓼晚。暮山猿叫白雲深。重陽酒熟茱萸
紫。却向江頭倚棹吟。

秋日旅中

杜荀鶴

浮宦浮名能幾何。致身流落向天涯。少年心壯輕為客。一日病
來思在家。經雨凍蟬隨葉墮。過湖秋鴈趁雲斜。前程雖有投人
處。爭奈鄉閭日漸賒。

容川旅居寄蕭郎中

周林 英華

扣店茅軒向水開。東頭舍賃一徘徊。窓吟苦為秋江靜。枕夢驚
殘曉角催。隣舍見愁餘。酒與主人知。去索錢來。眼看白筆為霖
雨。肯使紅鱗便曝腮。

別離

意甚憂。語道。大路兮。摻執子之手兮。詩歌。驪駒其辭。云。驪駒在
門。僕夫具存。驪駒在路。僕夫驚駕。詩。悲莫悲兮。生別離。楚辭。採
芳若遠行。登山臨水兮。送將歸。同上。問何。離。諸葛豐傳。
詩句。嬌兒不離。膝。畏我。却復去。杜。契闊阻風。期在。再成。雨。別。獨
孤。及。索居。動。經。秋。載。笑。知。曷。月。同上。漸。消。酒。色。朱。顏。淺。欲。語。離。

情翠黛低 張藉

古今事實

孔子贈言

子路將行，辭於孔子。孔子曰：「贈以帛乎？贈以金乎？」對曰：「請以言。」孔子曰：「不強，不達，不勞，無功，不忠，無親，不信，無復，不恭，無禮。謹此五者而已矣。」子路曰：「願終身奉之。」家語

老子贈言

孔子去周而老子送之，曰：「吾聞富貴送人，以金；仁者送人，以言。吾雖不能富貴而竊仁者之號，請送子以言。凡當世之聰明深察而近於死者，好訟者也；博辯宏大而危其身者，好發人之惡者也。孔子曰：「敬奉教也。」家語

晏子贈言

曾子行，晏子從於郊，曰：「嬰聞之，君子贈人以言，庶人贈人以財。請假於君子，贈吾子以言。」有大略

離羣索居

子貢曰：「吾離羣而索居，亦已久矣。」

乃若婦人

子高遊趙平原君客，有鄒文季節者，與相友善。及將還，曾諸故人訣，既畢，文節送行，三宿臨別，文節流涕交頤。子高徒握手而已，分背就路。其徒問先生與彼，二子善，彼有戀之心，而先生厲聲高揖，此無乃非親之謂乎？高曰：「始吾謂此二子丈夫耳，今乃知其婦人。人生有四方之志，豈鹿豕哉，而嘗群聚乎？」孔叢子

事文類聚別集

卷之二十一

十一

贈以不拜

陳遵使匈奴過辭於王舟舟謂遵曰但遭世反覆唯我二人為天地所遺今子當之絕域無以相贈贈子以不拜遂揖而別遵甚喜東觀漢紀

不見黃生

後漢黃憲字叔度同郡陳藩周舉相謂曰時月之間不見黃生則鄙吝之萌復存乎心唐賀知章陸象先曰季貢清談風流吾一日不見則鄙吝生矣

士別三百

曰蒙曰士別三百則刮目相待吳志
觀物思人

王猛將行造慕容垂飲酒從容謂垂曰今當遠別何以贈我使我觀物思人
晉海西公下

相別作惡

謝安嘗謂王羲之曰中年傷於哀樂與親朋別輒作數日惡羲之曰年在桑榆自然至此常恐見輩覺損其歡樂之趣王羲之傳

夜宿誰家

宋選送男入洛登舟挂席東下選疑佇久之語細君曰帆過南浦今夜清風明月宿水溪誰家

古今文集

雜著

別賦

江文通

黯然銷魂者唯別而已矣况秦吳兮絕國復燕宋兮千里或春
蒼兮始生乍秋風兮襲起是以行子腸斷百感悽惻風蕭蕭而
異響雲漫漫而奇色舟凝滯於水濱車逶迤於山側權容與而
未前馬寒鳴而不息掩金觴而誰御橫玉柱而霜軼居人愁能
恍若有亡日下壁而沈彩月上軒而飛光見紅蘭之受露望青
楸之離霜迢層楹而空掩撫錦幙而虛涼知離夢之踟躕意別
魂之飛揚故別雖一緒事有萬族至若龍馬銀鞍朱軒繡軸帳
飲東都送客余寒瑟羽張兮蕭鼓陳燕趙歌兮傷美人珠與玉
兮豔暮秋羅與綺兮嬌上春驚駟馬之仰秣登淵魚之赤鱗道
分手而銜涕感寂寞而傷神乃有劍客慙恩少年報主歸國趙
則吳宮燕市割慈忍愛離邦去重瀝泣共訣救血相視驅征馬

而子辭見行塵之時起方街感於一劍非買價於泉東
加色變骨肉悲而心死或乃邊郡未和負羽從軍途水無程
山參雲閣中風暖陌上草薰日出天而耀景露下地而騰文鏡
朱塵之照爛襲青氣之烟縹攀桃李兮不忍別送愛子兮雷濤羅
裙至如一去絕國詎相見期視喬木兮故里訣北梁兮永辭春
右七竟動親骨兮淚滋可班荆兮增恨惟樽酒兮叙悲值秋鴈
夕飛日當白露兮下時怨復怨兮遠山曲去復去兮長河湄又
若君居滯右妾家河陽同瓊珮之長照共金爐之夕香君結綬
兮千里惜瑤草之徒芳慙幽閨之琴瑟盼高臺之流黃春宮闕
此青苔色秋帳含茲明月光夏簾清兮晝不暮冬缸疑兮夜何
長織綿曲兮泣已盡迴文詩兮影獨傷倘有華陰上士服食還

初術既妙而猶學道已寂而未傳守丹竈而不顧鍊金丹而左
堅鶴鶴上漢鞍鶴鶴騰天覽游萬里少別千年惟世間兮重別謝
主人兮依然下有芍藥之詩佳人之歌桑中衛女上官陳娥春
草碧色春水綠波送君南浦傷如之何至乃秋露如珠秋月如
瑤明月白露光陰往來與子之別思心徘徊是以別方不定別
理千名有別必怨有怨必盈使人意奪神駭心折骨驚離瀟雲
之墨妙皆嚴樂之筆精金閨之諸彦蘭臺之羣英賦有凌雲之
稱辯有雕龍之聲詎能摹暫離之狀焉永訣之情者乎

古詩

古樂府

行行重行行與君生別離相去萬餘里各在天一涯道路阻且

長會向安可知胡馬依北風越鳥巢南枝相去日已遠衣帶日
已緩浮雲蔽白日遊子不顧反思君令人老歲月忽已晚春
勿復道為力加飧飯

明月何皎皎照我羅牀帷憂愁不能寐攢衣起徘徊行客雖云
樂不如早旋歸

涉江採芙蓉蘭澤多芳草將之與遺誰所思在遠道還顧望舊
鄉長路漫浩浩同心而離居憂傷已終老

庭中有奇樹綠葉有華滋攀條折其榮將以遺所思馨香盈懷
袖路遠莫致之此物何足貴但感別經時

贈蘇武別

李陵

良時不再至離別在須臾屏營衢路側執手野踟躕仰視浮雲

馳奄忽交相踰風波一失路各在天一隅長當從此別且復去
斯須欲因晨風發送子以賤軀

同前

李陵

攜手上河梁遊子暮何之徘徊溪路側恨恨不能離行人難久
留各言長相思安知非日月弦望自有時努力崇明德皓首以
為期

別李陵

蘇武

雙鳧俱北飛一鳧獨南翔子當留斯館我當歸故鄉一別如秦
胡會見何詐失愴恨切中懷不覺淚沾裳願子長努力言笑莫
相忘

同前

蘇武

征夫懷往路起視夜何其參辰皆已沒去去從此辭行役在
相見未有期握手一長歎淚為生別滋努力愛春華莫忘舊樂
時生當復歸來死當長相思

別離

陸龜蒙

丈夫非無淚不洒離別間
仗劍對樽酒恥為游子顏
蝮蛇一螫手壯士疾解腕
所思在功名離別何足歎

古別離

趙徵明

為別未幾日一日如三秋
猶疑望可見日日上高樓
唯見分三處白蘋蒲芳州
寸心能死別不忍生離愁

贈崔純亮別

孟郊

食齋腸亦苦強歌聲無歡
出朝即有礙誰謂天地寬
有礙非遐

方長安大道旁。小人智慮險平地。生太行鏡破不改光。蘭死不
改香。始知君子交久之長益彰。君心與我懷離別俱迴。追譬如
浸藥泉。流苦日已長。忍泣日易衰。忍悲形自傷。項籍豈非壯。賈
生豈非良。當其失意時。涕泗各滿裳。古人勸加飧。此食難自強。
一飽九祝噎。一嗟十斷腸。况是兒女冤。冤氣凌彼蒼。彼蒼若有
知。白日下清霜。今朝始驚呼。碧落空茫茫。

怨別

孟郊

一別一回老。志士髮白早。在富易為容。在貧難自好。沈憂損性
靈。服藥亦枯槁。秋風客子衣。落日行遠道。君問去何之。賤身寧
自保。

汴梁留別韓愈

孟郊

不飲濁水瀾空滯。此汴河坐見遶岸水。盡為還海波。四時不在
家。敝服斷線多。遠客獨顛顛。春莫各婆娑。荒陂饒曲流。野桑無
直柯。但為君子心。歎息終匪他。

長安留別觀韓愈因獻張徐州

孟郊

富別愁在顏。貧別痛銷骨。懶磨舊銅鏡。畏見新白髮。古樹春無
花。子規啼有血。離弦不堪聽。一聽三四裂。世途非一險。俗慮有
千結。有客步大方。驅車獨迷轍。故人韓與李。逸翰雙皎潔。哀我
摧折歸。贈詞縱橫設。徐方國東樞。元戎天下傑。爾生我刺遊。王
粲吟詩謁。高情無遺照。朗抱開曉月。有士不理冤。有誰皆為雪。
願為直草木。未向君地列。願為古琴瑟。永向君聽發。欲識丈夫
心。曾將寶刀說。

事文類聚別集

卷之二十五

十七

孟郊

生別難

白居易

食糜不易食，梅難藥能苦。苦梅能酸，未如生別之為難。苦在心，酸在肝，晨雞載鳴，殘月沒，征馬重嘶，行人出迥，看骨肉哭，一聲梅酸，藥苦，其如蜜，黃河水白，黃雲秋，行人河邊相對愁，天寒野曠，何處宿，棠梨葉戰風颼颼，生別離憂從中來，無斷絕憂積心勞，血氣衰，末年三十生白髮。

別三子

陳無已

夫婦死同穴，父子貧賤離。天下寧有此，昔聞今見之。母前三子後，孰視不得道，嗟爾胡不仁，使我至於斯。有女初束髮，已知生離悲，枕我不肯起，畏我從此辭。大兒學語言，拜揖求勝衣，喚我我欲去，此語那可思。小兒襁褓間，抱負有母慈，汝哭猶在耳，我

懷人得知

有所思

盧同

當時我醉美人家，美人顏色嬌如花。今日美人棄我去，青樓珠箔天之涯。娟娟嫦娥月，三五二八盈，又缺翠眉蟬鬢生，別離一望不見心斷絕，心斷絕幾千里，夢中醉卧巫山雲，曾來淚滴湘江，水兩岸花水深，美人不見愁人心，念君愁更奏，綠綺琴調高絃，絕無知音，美人兮美人，不知為暮用，為朝雲，相思一夜梅花發，忽到窓前疑是君。

醉留東野

韓愈

昔年因讀李白杜甫詩，長恨二人不相從，吾與東野生並世，如

何復躡一子，蹤東野不得管，白首跨龍鍾，韓子稍姦黠，自斲青

事文類聚別集

卷之二十一

思齊

事文類聚別集 卷之二十五 德壽堂本
高倚長松低頭拜東野願得終始媿東野不迴頭有如寸蓬
撞鉅鍾吾願身為雲東野變為龍四旁上下逐東野雖有別離無相逢
律詩

不見

杜甫

不見李生久佯狂真可哀世人皆欲殺吾意獨憐才敏捷詩千
首飄零酒一盃匡山讀書處頭白好歸來

夜與故人別

于武陵

白日去難駐故人非舊矣今宵一別後何處更相逢過楚水千
里到秦山萬重話來天未曉月落蒲城鍾

寄南遊弟兄

竇鞏

書來未報幾時還知在三湖五嶺間獨立衡門秋水闊寒鴉飛

去日衡山

淮上與友別

鄭谷

楊子江頭楊柳春楊花愁殺渡江人數聲鳳笛離亭晚君向瀟
湘我向秦

陽關三疊

見餞送用

絕句

孫冕

或云唐鄭賢

亭亭畫舸繫寒潭直到行人酒半酣不管煙波與風雨載將離
恨過江南

元相公賓府有薛書記飲酒醉後因爭冷擲注子擊
傷相公猶子遂出幕醒來乃作十離詩上獻或云蜀
奴薛濤為連帥所怒作此以獻

事文類聚別集

卷之二十五

十一

德壽堂本

馴擾采門四五年。毛香足淨。主人憐無端。咬着親情。客不得紅
絲毯上眠。

右大離主

越管宣毫始稱情。紅箋紙上撒花瓊。都緣用久鋒頭盡。不得
之手裏擊。

右筆離手

雪耳紅毛淡碧蹄。追風曾到日東西。為驚玉貌郎君墜。不得華
軒更一嘶。

右馬離廐

隴西獨自一孤身。飛去飛來上錦茵。都緣出去無方便。不得籠
中再喚入。

右鸚鵡離籠

出入朱門未忍拋。主人嘗愛語咬。銜泥穢汚珊瑚簾。不得梁
間更壘巢。

右燕離巢

皎潔圓明內外通。清光似照水晶宮。都緣一點瑕相穢。不得終
宵在掌中。

右珠離掌

戲躍蓮池四五秋。常推朱尾弄輪鉤。無端摧斷芙蓉葉。不得清
波更一遊。

右魚離池

瓜利如鋒眼似鈴。平原捉兔稱高情。無端竄向青雲外。不得君
事文頌列集

王手上擊

右鷹離主

翁替新栽四五行常將貞節負秋霜為緣春筍鑽墻破不得垂陰覆玉堂

右竹離亭

鑄滿黃金鏡始開初生三五月徘徊為遭無限塵蒙蔽不得華堂上玉臺

右鏡離臺

詩話

詠曹顏遠詩

殷浩錫韓伯隨至彼所經歲還都浩送至渚側詠曹顏遠詩云

富貴他人合貧賤親戚離因而泣下

醉中分袂

蕭鳳使玉門關弟肅勸酒頻頻謂兄曰醉中庶分袂不悲杜送王判官黔陽信使應稀莫在頻頻勸酒盃

奪胎換骨

東坡長短句云無情汴水自東流只載一船離恨向西州張文潛詩云亭亭畫軒繫春潭只待行人酒半酣不管煙波與風雨載將離恨過江南王平甫愛而誦之不知其出於外此奪胎換骨法也泊宅經

還歸

詳見思鄉門

羣書要語薄言還歸宋蔡言還言歸黃鳥式造其歸民還鄉者心務見家不可以一步至也劉子已出反舍叔孫通傳出有賜曰饑路及有勞曰輒脚楊國忠傳

古今事實

來歸自鎬

薄伐玁狁至於太原文武吉甫萬邦為憲吉甫燕喜既多受祉來歸自鎬我行未久

來衣公歸

東山周公東征也九畿周大夫刺朝廷之不知也是以有來衣兮無以我公歸兮

馬生角

燕太子丹為質於秦秦不禮乃求歸秦曰待烏頭白馬生角當放子歸太子仰天哭感得烏頭白馬生角秦王大驚乃遣丹歸遊歷記聞

杖節歸漢見羊門

彭澤賦歸見米門

角巾還第

有往來者言庾公有東下意或謂王公可潛稍嚴以備不虞王公曰我與元規雖俱王臣本懷布衣之好若其欲來吾用巾徑

還烏衣何所稍嚴

角巾歸里

羊祜與從弟琇曰既定邊事當角巾東路歸故里為容棺之壤以百土而居重位何能不以盛滿受責乎本傳

千載來歸

遼東城門華表柱忽有一白鶴少年欲射之乃飛徘徊言曰有鳥有鳥丁令威去家千載今來歸城郭是人民非何不學仙塚

置軟脚局

郭子儀自同州歸詔大臣就宅作軟脚局人率三百千大唐

古人文集

雜著

歸去來辭

陶潛

歸去來兮田園將蕪胡不歸既自以心為形役奚惆悵而獨悲悟既往之不諫知來者之可追實迷途其未遠覺今是而昨非舟搖搖以輕颺風飄飄而吹衣問征夫以前路恨晨光之熹微乃瞻衡宇載欣載奔僮僕歡迎稚子候門二徑就荒松菊猶存携幼入室有酒盈樽引壺觴以自酌盼庭柯以怡顏倚南窓以寄傲審容膝之易安園日涉以成趣門雖設而常閑策扶老以流憩時矯首而遊觀雲無心以出岫鳥倦飛而知還景翳翳以將入撫孤松而盤桓

歸去來兮請息交以絕遊世與我而相遺復駕言兮焉求悅親

威之情話樂琴書以消憂農人告余以春及將有事乎西隴或
命中車或棹孤舟既窈窕以尋壑亦崎嶇而經丘木欣欣以向
榮泉涓涓而始流善萬物之得時感吾生之行休已矣乎寓形
宇內復幾時曷不委心任去留胡為乎皇皇欲何之富貴非
吾願帝鄉不可期懷良辰以孤往或植杖而耘耔登東臯以舒
嘯臨清流而賦詩聊乘化以歸盡樂夫天命復奚疑

古詩

休假還舊業便使

王維

謝病始告歸依依入桑梓家人相佇立相候衡門裏時輩今長
年成人舊尊于上堂嘉慶畢顧與姻親齒論舊忽餘悲自存且
相喜田園轉蕪沒但有寒泉水衰柳日蕭條秋光清邑里入門

乍如客歸騎非便止中飲顧王程離憂從此始

示三子

陳無已

去遠即相忘歸近不可忍兒女已在眼眉自略不省喜極不得
語淚盡方一哂了知不是夢忽忽心未穩

還里

陳無已

曠土愛吾廬遊子悲故鄉慨慷四方志老衰但悲傷虛名自成
誤失得略相當莫年還家樂未覺道路長閭里喜我來車馬塞
康莊爭前借言色草木亦精光向來千人聚一老獨徜徉手開
南陽阡松柏鬱蒼蒼永願守一丘脫身萬里航平生功名念倒
海沈我腸尚恐北山南有文移路傍

律詩

秋晚歸故居

李昌符

馬首曾行處連嘶渡晚河忽驚柳樹出漸識路人多細徑穿禾
黍頽園歷薛蘿乍歸猶似客鄰叟亦相過

送孟六歸襄陽

杜門不欲出久與世情疎以此為長策勸君歸舊廬醉歌田舍
酒笑讀古人書好是一生事無勞獻子虛

還鄉偶書

黃拱

離別家鄉歲月多歸來人事半消磨惟有門前鑑湖水春風不
減舊時波以小離家老大回鄉音難改髮毛衰兒童相見不相
識借問客從何處來

歸計

沈存中

住山人少說山多空只年年憶薛蘿不是自心應不信眼前歸
計又蹉跎

歸洛言懷

司馬君實

三十餘年西復東勞生薄宦等飛蓬所有舊業唯清白不負明
時有朴忠早避喧煩真得策未逢危辱好收功太平觸處農桑
滿歲取間聞鶴髮翁

合口并

羣書要語勿疑朋益替注勿疑則朋合疾也豫卦避迨相遇野
有蔓草脫然若沉痾之去體灑然若執執之濯清風也韓文

詩句江湖十年別衰老一樽同劉長卿桃李春風一盃酒江湖

事文類聚別集 卷之二十三 三五 夜雨十年燈 山谷 江山千里俱頭白 骨肉十年終眼青 山谷

古今事實

傾蓋而語

孔子之剡遇程子於塗傾蓋而語終日甚相親 家語

班荆而食

楚伍舉將奔晉聲子遇之於鄭郊班荆相與食而言注布荆坐

地 左襄二十六

刮目相待

魯肅過呂蒙言議常欲受屈拊蒙背曰吾謂大弟但有武略今者學識英博非復吳下阿蒙蒙曰士別三日即更刮目相待

相別一世

張乖崖少與逸人傅霖同學公既顯達霖三十年不可得有憶霖詩云寄語巢由莫相笑此身終不美輕肥晚年守死丘有被禍騎驢叩門大呼曰語尚書青州傅霖聞吏走白公曰傅先生天下士汝何人敢呼姓名霖笑曰別子一世尚爾童心是豈知世間有我哉公問昔何隱今何出霖曰子將亡矣來報子公曰詠亦自知之霖曰知復何言後一月公薨

古今文集

雜著

聚星亭畫屏贊并序

朱元晦

按世說陳太丘詣荀朗陵貧儉無僕役乃使元方將車季方持杖從後長丈尚少載着車中既至荀

使叔慈應門慈明行酒餘六龍下食文若亦小坐
 着膝前于時太史奏真人東行考亭陳氏故有離
 榭名以聚星蓋取續陽秋語中更廢壞近始作新
 適邇敞廬因得相其役事既又為之本原事迹書
 着屏上并為之贊以視來者云

倚歎陳子神嶽鍾英文淵懿範道廣心平危孫汚隆卷舒自我
 是曰庶幾無不可獻身安衆用孺全邦炯然方寸秋月寒潭
 願言懷人曰我同志故朗陵君荀季和氏連峯對起麗澤潛滋
 儂而不見有黷其思薄言造之顧無僕役獨呼二兒駕予以出
 青芻黃犢布幘柴車策紀前衛杖謀後趨所造伊何高陽之里
 維時荀君歸以主而喜顧謂汝靖往應子門七龍矯矯布席開尊

晴蕭而前翁拜其辱何悟斯晨得見清穆命奕行觴旅饋次陳
 獻酬交錯禮度情親載笑載言固非德義益邁乃猷以輔斯世
 髣髴兩稚亦置膝前源深本固莫出匪賢維此慈明特謝儂匹
 晚際國中敢渾濡迹贅旒之命恃以少延邦朋之最孰與為先
 郁乃附曹群亦亡漢嗣守之難古今共歎崇臺回極于以占天
 猶曰茲野德星萃焉我寓有亭舊蒙斯號今刺前聞象儀以告
 高山景行好德所同課忠責孝獨槩余衷百爾窺臨鏡考毋怠
 死國承家永奉明戒

古詩

贈衛八處士

杜甫

人生不相見動如參與商今夕復何夕共此燈燭光少壯能幾

時鬢髮各已蒼訪舊半為鬼驚呼執中腸焉知二十載重上君
子堂昔別君冰婚兒女忽成行怡然敬父執問我來何方問答
未及已見女羅酒漿夜用剪春韭新炊聞黃梁主稱會尙難一
舉累十觴十觴亦不醉感子故意長明日隔山岳世事兩茫茫

贈史修文

沈千運

故人阻千里會尙非別期握手於此地當歡返成悲念離宛猶
昨俄已經於暮瞻昔昔少年別來髮如絲不過舊姓名相逢知
是誰曩遊盡驚翁與君仍布衣豈曰無其才命理應有時別路
漸欲少不覺生涕淚

元稹為御史奉使東川於褒城贈黃明府詩其序云
昔年曾於解縣飲酒余為觥錄事嘗於黃明府處有

一人至類犯語令連飛十數觥不勝因逃去醒後問
之前虞卿黃丞也此後絕不復知元和四年三月奉
使東川十六日至褒城驛逡巡有黃明府見迎瞻其
形容髮髯似識問其前銜即曩日逃席黃丞也說向
前事黃生惘然而悟因饋酒一罇臚舟請余同載余
不欲孤其意與之盡歡徧問褒陽山水則褒姒所奔
褒城在其左諸葛所征之路次其右感今懷古作贈

黃明府詩曰

昔年曾痛飲黃令困飛觥席上當時走馬前今日迎依稀迷姓
字積漸識平生故友身皆遠他鄉眼暫明便邀連榻坐兼共刺
船行酒思涼風亂霜稜拂地平不看深淺酌貪嗆古今情迤邐

七盤路拔拖敷大城花疑褒女笑機息武侯征二種埋幽石空
聞千載名

[Faint bleed-through text from the reverse side of the page]

新編古今事文類聚別集卷之二十六

建安 祝穆 和父 編

金陵 唐富春 子和 梓

人事部

書目簡

書目簡 說文 簡書編也 釋名 簡謂之畢 爾雅 牘書版也
說文 札櫛也 編之如櫛齒相比也 釋名 斷木為槩 論衡 槩版
長三尺即牘牒也 釋名 子寧不嗣音 詩子衿 毋金玉爾音而有
遐心 白駒 小夫之知不離苟首竿牘散精神乎蹇淺 莊子 千里
之情通 管子 言心聲書心畫也 聲畫形 君子小人見矣 楊子 面

目之辭相適，抒中心之所欲，通諸人之嚙嚙，憤憤也者，莫如言。彌綸天下之事，記久明遠，著古昔之昏昏，目所不見，傳千里之恣恣，心所不回者，莫如書。揚子時有奏記，朱博傳移書顯貴之。

薛宣傳心開目明，反覆數周，曠然發矇。蔡邕傳執玩反覆不能。

釋手劉虞傳萬里之畫，存於尺書。劉琨傳闕然久不報，幸勿為。

過馬遷傳公府奏記，郡將秦戔。文心雕龍蔡邕曰：相見無期，唯。

是書疏可以當面。本傳書疏往返未定，解其勞結。魏文帝答吳。

質書信到奉所，惠賜發函，伸紙是何文采之巨麗，而慰喻之綢。

繆乎。吳質答曹植書因江潭而任記，于欽弔楚之湘纍。揚雄反。

承問震惶精爽飛越。劉越石書申詠反覆曠若復面。文選讀。

之喜笑把玩無厭。同上東望於邑，裁書叙心。文選尺牘書疏于。

里面目。顏氏家訓坐馳之際，輪驛復來。段成式書拙黃對白吟。

弄飛走駢四麗，六錦心繡口。柳宗元乞巧文黃鵠一去，青冥無。

極安得不憑曹隆，憑飛廉以寄心於寒廓耶。柳宗元山人序言。

之微妙書不能文也，心之精微口不能言也。張敞封事陳遵占。

辭旨意各俱，彌衡伏書親踈得宜。文心雕龍蒼鷹顧鯉而流不。

素清風朗月俱寄相思。周弘讓答王褒書欲致一書，問足下并。

自屏其所懷，含意連思，將發復已，卒不能成就其說。是之答侯。

詩句愧無雜佩，贈良訊代兼金。陸機誰謂情可盡，盡書非尺牘。

謝建今朝聽聲喜，家信必應歸。梁蕭紀詠嵩開緘書札光。杜甫。

有第皆羈旅，無家問生死，寄書多不達，况及未休兵。杜秦中相。

思千萬里，一書直千金。李烽火連三月，家書值萬金。杜拆書八。

事文類聚別集卷之二十一

九讀淚落千萬行元稹忽因西飛禽贈我以瓊瑤韋應物行數

雖不多字字有委曲同上去憑遊客寄來為問家書杜甫書來

細作行杜詩欲問平生無使來杜甫征人去日殷勤囑歸雁來

時早寄書樂府不枉故人書無由泛江水韓親朋無一字杜甫寄

書惟在頻無怪簡與繒韓袖中有短書願寄雙飛雁江淹厚祿

故人書斷絕北書不至屬無情杜紫鴈西飛與寄書願祝此信

的應中路見亂山何處拆書看杜牧之道州手札適便至紙長

要字二箇讀杜開緘死見讓讓面盧仝謝孟諫議茶毋書付至

妻寄衣開緘發封淚痕稀

古今事實

書藏記室

成主有病周公自揃其爪以沉於河曰云乃書而藏之記

寓書

子產寓書於子西以告子左襄二十四

書付其子

趙簡子少子名無恤簡子自為書牘使誦之居二年簡子坐青

刀筆吏

蕭何曹參起秦刀筆吏因刀所以削書古者用簡牘故吏皆以

奉咫尺書

刀筆隨本贊

廣武君謂韓信曰君若使丁介奉咫尺之書史記

萬石君為中涓受書謁本傳

嫚書之辱

漢匈奴冒頓高后時遺書曰孤債之君生於沮澤之中長於平野牛馬之域數至邊境願遊中國陛下獨立孤債獨居兩主不樂無以自娛願以所有易其所無高后報書曰單于不棄敝邑賜之以書敝邑恐俱退曰自圖年老氣衰豈敢行步失度單于過聽不足以自污敝邑無罪且不見赦

腐足繫書

蘇武留匈奴十九年昭帝立匈奴和親求武等詔言武死後漢使至常惠夜見教言天子射林中得腐足有繫書書曰武等

在某澤中使者如惠語讓單于單于驚謝曰武等實在武等始以強壯出及還鬚髮盡白

買菜求益

後漢嚴光傳注侯霸使西曹侯子道奉報書求報光曰我手不能書乃口授之使者熾火可更足之光曰買菜子求益乎

藏去為榮

陳遵性善書與人尺牘主皆藏去以為榮請求不敢逆所到衣冠懷之本傳

憑几口占

陳遵為河南太守嘗遣從吏西召善書吏於前治私書謝京師親故憑几口占書數百封親疎各有寓意

問訊

趙廣漢為京兆尹嘗記乃湖都亭長西至界上界上亭長戲曰為我多問趙君亭長至廣漢謂曰界上亭長寄聲謝我何以不為致問亭長叩頭服實有之因多問趙君者言殷勤若今人千萬問訊也

手跡

後漢馬融與竇伯向書曰子陵奴來賜書見手跡歡喜

青泥封

鄧訓故吏知訓好青泥封書從黎陽步推鹿車載青泥至下谷遺訓東漢記

妻不寄書

後漢王良東海人為司空司直妻子不入官舍布被瓦器司徒史鮑恢到東海過候良家妻布裙曳柴從田中歸恢曰我司徒人也故來受書妻曰妾是也苦椽無書恢歎息去

折簡可呼

王凌面縛水次遙謂司馬宣王曰卿直以折簡召我我何敢不至而乃引君來乎宣王曰以卿非折簡可呼故也魏畧

通權貴書

漢陳咸滯於郡守時王音輔政信用陳湯咸數賂遺湯予書曰即蒙子公湯字力得入帝城死不恨本傳

拜跪讀父書

吳顧愷以孝悌廉止聞於鄉黨每得父書洒掃整衣服設几案

舒書其上拜跪讀之每句應諾畢復再拜

口授

蜀王平為鎮北太將軍生長戎旅手不能書所識不過十字而口授作書皆有意理使人讀史備知大義

不作草書

席豫與子弟為吏書不作草字三國劉廙曰尊卑有分不敢修草書

黃耳傳書見狗門

自沉自浮

殷羨為豫章太守都下人士因其致書百餘函行次石頭皆投之水中曰沉者自沉浮者自浮殷洪喬不為置書郵浩傳

賢十部從事

劉弘每有興發手書字相下寧款密所以人皆感悅爭赴之咸曰得劉公一紙書賢於十部從事晉懷紀

竟達空函

桓溫將以殷浩為尚書令遺書告之浩欣然詐與答書慮有謬誤開閉者十數竟達空函大忤溫意由是遂絕○殷浩致書於簡文具目申叙

帳下兒讀

劉荆州嘗自作書欲與孫伯符以示禰正平正平嗤之曰如是之作欲使孫即帳下兒讀之耶使張子布見乎典畧

輕重得躰

禰衡為江夏太守黃祖作書記輕重疎密各得躰宜祖持其手

日處士皆正得祖意如祖腹中之欲言也

不喜作書

嵇康作絕交書曰不喜作書而人間多事堆案盈几不相酬答則犯教傷義欲自勉則不能久

小紙勿報

何曾好學博聞武帝拜為太尉性奢侈人以小紙為書勅記室勿報

莫不手答

陶侃為荊州遠近書疏莫不手答

音詞流暢

徐湛之善於尺牘音詞流暢沈約宋書

善效人書

魏鍾會與鄧艾平蜀艾先入城都會善效人書艾章表自事皆易其言令悖傲矜伐又毀艾王報書手作以疑之

用小却字

晉人帖中往往用小却字其意猶言少追也南史宋武帝紀帝疾召太子戒之曰謝誨數從征伐頗識機變若有同異必此人也小却可以會稽汀州處之

答書不廢應對

南史劉穆之與朱齡石於齊武帝坐並答書自且至日中穆之得百函齡石得八十函而穆之應對不廢

隨機報答

後周中書監盧柔太祖引為行臺郎對掌機密時汝頰之間多舉義來附書翰往返日餘百牒柔隨機報答皆合事宜

五雲體

唐常陵常以五朶牋為書記使侍妾主之其牋答受意而已皆自楷法陟唯署者有謂所書陟字若五朶雲時人慕之號郇公五雲體

始為疊幅

盧光啟受知於租庸張濟每致書凡事別為一紙朝士效之蓋重疊別紙自光啟

號柳篋子

柳黎迂左拾遺公卿朝野託為箋奏譽以其博洽自為柳篋子

千里對面

房元齡傳高祖曰若人機識實宜委任每為吾兒陳事千里外猶對面語

書唯稱郡

李稹常以爵位不如族望官至刺史與人書唯稱隴西李稹

筆國史補

壻不輒開

劉宴任權潘炎乃其壻雖書疏報答未嘗輒開時稱有古人節

繫書鶴足

張九齡家養群鶴每與親知書繫鶴足上飛往投之自為飛奴

王仁裕開元遺事

焚書不辨

錢徽為禮部段文昌李紳以書託徽徽不從二人怒奏徽取士以私坐貶江州或勸出文昌紳私書自直徽曰苟無愧於心安事辨證勅子弟焚書

求書先容

顧雲大順中同羊昭業等修史時劉子長僕射有清名求高途休諫議書為先容雲潛啟閱之凡一幅並不言雲但云昭業等擬將一尺二寸汗脚踏他龍尾道雲歎息而已據言

無名書

王鐸節度淮南嘗得無名書納韞中俄取他書焚之異日因小罪并以所告窮驗示眾以為神明

半夜傳緘

杜牧之作李賀集序云太和五年十月中半夜時舍外有疾呼傳緘者某曰必有異函取火來及發之果集賢學士院沈公書一道曰吾亡友李賀且死以其文求序

家書抵萬金

王筠久在沙場一日偶得家書曰抵得萬金耳

懶不附書

李翱答獨孤舍人書所不數附書者性頗慵懶便一切書斷祇作報書

漢上題衿

段成式與溫庭筠等唱和往來書且之為漢上題衿大抵多閨

關中情狀之事

投之苦海

鄭光業有一巨皮箱凡投贄有可唾者即投其中號曰苦海

無書被薦

司馬光薦劉安世充館職請安世曰光居間足下問訊不絕光居政府足下獨無書此光之所以相薦也

商人通書

丁皇州多智數在海外有一販夫輒與數百緡任其貿易歲久不問商人疑其意且欲殺之曰相公或使之雖死不避丁乃預計商只春宴必有中使在坐因作表丐還封為書投府坐約商人曰汝必於是日到仍須宴次投之商人欣躍而去至則如其

言府坐得書懼不敢發欲置之又中使已見遂因中使回附奏自是得移光州其表云雖遷陵之罪大念山王之功多

發其私書

王荆公薦呂惠卿為參知政事惠卿既得位遂叛荆公荆公平日私書有曰無使齊年知齊年謂馮公京蓋荆公與馮公皆辛酉生又曰無使上知神宗始不悅荆公矣聞見錄

安書不讀

侍講胡安定公瑗布衣時與孫明復石守道同讀書泰山攻苦食淡終夜不寢一坐十年不歸得家問見上有平安二字即投

無日不觀

張文潛每見親友書無月日便擲於地更不復觀

事類彙編

卷之二十六

十一

無書不讀

避人家諱

本朝榮陽呂公希哲嘗言凡與交遊書聞其父祖知名於世者須避其名諱凡作書須先思及書之於几然後作書又潞公與故舊款接下坐未嘗犯其父祖名諱雜志

焚書息禍

方謙議謹言為侍御史時丁謂貶遣謹言籍其家得士大夫書多干請關通者悉焚之不以聞世稱其長者厚德錄

古今文集

雜著

古帖多弔喪

閣下諸帖十卷淳化中朝廷所集其中多弔喪問疾人多疑之

比見刊誤乃唐國子祭酒李注所撰短啟出於晉宋丘革之間時國禁書疏非弔喪問疾不得輒行尺牘故王羲之首云死罪遺制令故也且啟事論兵皆短而緘貴易於隱藏雜志

古禮猶簡

昔人最重契舊朋從年長則以兄事之齒少或以弟或以友呼焉父之交遊敬之為丈見之必拜執子姪之禮甚恭又人行者命與其諸郎遊子又有孫者崇輩行畧不紊亂如分守之嚴禮例書禮只云啟或稱尊則云再拜雖行高而位崇者不過曰頓首再拜而已非父兄不施覆字宰輔以上方曰台候餘不敢也前輩名公尺牘中可考今俱不然誠可太息

書簡循習

近代士人相承於書尺。語言浸涉奇猥。雖有賢識不能自改。如小簡問交。自言所在必求新異之名。予守贛時。屬縣與國宰論書。云。漱水有驅策乞。疏下。漱水者彼邑。下水耳。郡中味嘗知此。不足以爲工。當言下邑屬邑足矣。爲縣丞者無不采藍田壁記。語云。負水其處。哦松無補。沾筆承乏。皆厭爛陳。言至。稱丞曰。藍田殊爲可笑。祝赴州郡。與人書必曰。前政頽靡。倉庫匱乏。未知所以善後。公曾一律正使。真如所陳。讀者亦不之信。予到當塗。日謝執政書云。郡雖小而事簡。庫錢倉粟自可支。嘗得坐笑道院。誠爲至幸。周益公答云。從前得外郡太守書。未嘗不以蒼允爲詞。獨創見來。緘如此。蓋覺其與他異也。此兩者皆粗熟成俗。故紀述以戒子弟輩。容齊隨筆一

書簡題目

作文字紀月日。當以實言。若拘拘然必以節序則爲牽強。乃似麻沙書坊桃源居士輩所設耳。至於往還書問。不可不繫日而性率者。一切不書。予有探生字遣報云。今日已時得一子。更不知爲何時。或又失之。好奇外姻孫。臣每致書必題其後曰。某節至云。小暑前一日。驚蟄前兩日之類。文惠公常笑云。看孫鼎臣書。須看曆日。於案上蓋自元正。今日上巳。端午。七夕。重九。除夕。外雖寒食。冬至亦當謹識之。况於小小氣候。後生宜戒。容齋隨筆

畏人索報書

士大夫得交朋書問。有懶傲不肯即答者。記白樂天老慵一絕。

句曰首是父親向我疎老慵自愛閉門居近來漸喜知聞斷絕
惱稀康索報書繁嵇康與山濤絕交書云素不復書又不喜作
書而人間多事堆案盈几不相訓答則犯教傷義欲自勉強則
不能及樂天所云正此也乃知畏於答書其來久矣容齋隨筆

古詩

飲馬長城窟行

青青河畔草綿綿思遠道遠道不可思夙昔夢見之夢見在我
傍忽覺在他鄉他鄉各異縣展轉不相見枯桑知天風海水知
天寒入門各自媚誰肯相為言客從遠方來遺我雙鯉魚呼童
烹鯉魚中有尺素書長跪讀素書書中竟何如上有加餐食下
有長相憶

古樂府

孟冬寒氣至北風何慘慄愁多知夜長仰觀衆星列三五明月
滿四五蟾兔缺客從遠方來遺我一書札上言長相思下言久
離別置書懷袖中三歲字不滅一心抱區區懼君不識察

訓崔十五見招

李白

爾有為折書相招琴溪飲手把尺素書如天落重錦讀罷向空
笑疑君在我前長吟字不滅懷袖且三年

以詩代書答元舟丘

李白

青鳥海上來今朝發何處口噙重錦書與我忽飛去鳥去凌紫
煙書留綺窓前開緘方一笑乃是故人傳故人深相最憶我勞
心曲離居在咸陽三見秦草綠置書雙袂間引領不暫閑長望

事文類聚別集 卷之二十六 十三 使事堂相
杳難見浮雲橫遠山

寄皇甫湜

韓愈

敲門驚書睡問報睦州吏手把一封書上有皇甫字拆書放床頭涕與淚垂泗昏良暈就恍惚夢相值悲哉無可術安得生兩翅

暮秋枉裴道州手札率爾遣興

杜甫

久客多枉友朋書素書一月凡一束虛名但蒙寒暄問泛愛不救溝壑辱滋落未是無心人舌存恥作窮途哭道州手札適復至紙長要自三過讀盈把那須滄海珠入懷本倚崑山玉

答邊信

長孫佐輔

征人去年戍涼水夜得邊書字盈紙揮刀就燭裁紅綺結作同心

心谷千里君寄海書書莫絕妾答同心心自結同心再解心不離書字頻看字愁滅結成一夜和淚封貯書只在懷袖中莫如書字固難久願學同心長可同

律詩

寄高詹事

杜甫

安穩高詹事兵戈久索居時來知宦達歲晚莫情疎天上多鴻鴈河間足鯉魚相看過半月不寄一行書

夜中得循州趙司馬侍御書因寄迴使

盧綸

瘴海寄雙魚中宵達我居兩行燈下淚一紙嶺南書地說炎蒸極人稱老病餘殷勤報賈傅莫共酒杯疎

送楊禁侍兼寄山谷

陳無已

多問黃居士終年欠一書因入問消息有使報何如

寄張大夫

陳無已

別今何向二年訊不通不應書字倦未有北來鴻

逢入京使

岑參

故園東望路漫漫雙袖龍鍾淚不乾馬上相逢無紙筆憑君傳語報平安

投簡梓州幕府兼問高郎官

見同僚門

送蕭二十二赴歙州婚期

盧仝

淮上客情殊冷落蠻方春日客何如相思莫道無來使回鴈寄前好寄書

寄元明

黃魯直

但知家裏人無恙不用書來細作行一百八盤携手上至空猶

寄叔父夷中

黃魯直

關寒塞雪欲寄音堯薦拂天河鯉沉百書不如一見面幾日歸來兩慰心

詩話

求書得詩

蔣堂侍郎告老姑蘇有僧將遊錢塘求呂濟叔書公作詩乃云告老於君推掩戶年來無事老江干吾師莫訝無書去閑搜編題不必看

青鎖高議

十年無書

章子厚與劉子先嘗有場屋之舊又頗相善子厚居京口子先
 守姑蘇以新醞洞庭春寄之子厚答詩曰洞霄宮裏一閑人東
 府西樞舊老臣多謝姑蘇賢太守殷勤分送洞庭春其後契闊
 十年子厚拜相亦不通問寄書言其相忘遠引之意子先以詩
 謝曰故人天上有書來責我疎愚嗔不迴兩處共瞻千里月十
 年不寄一枝梅塵泥自與雲霄隔驚馬難追德驥才莫謂無心
 尚門下也曾終夕望三台公得詩大喜即名爲宰屬遂拜戶部
 侍郎

投執贄 暗投

群書要語凡贄天子皆諸侯圭卿羔大夫鴈士雉庶人之贄匹

音鷲

章子未嘗而退野外軍中無筆以纓拾矢可也婦人之贄

棋榛脯脩棗栗

曲禮

士相見之禮贄冬用雉夏用豚

禮記

明凡之珠夜光之璧以闇投人於道無不按劍相眈何則無故
 而至前也又曰彼非所明而投之是猶對牛奏簧耳又曰水
 聲不入於俚耳固非委巷之所尚也又曰折楊黃華則嗑然而
 笑固俗人得曲則同聲動笑也莊齊物篇雖濠發於巧心終
 見噉於拙目史通

此路無知己明珠莫暗投高適白雲非衆定夜光忌暗投

古今事實

執贄還贄

事文類集

卷之二十六

十五

德壽堂梓

周公謂伯禽之傅曰我文王之為子武王之為弟成王之為叔父吾於天下不賤矣然而吾所執贄而見者十人還贄而見者二十人貌執之士百有餘人欲言而請畢事者千有餘人於是吾僅得三士焉以正吾身以定天下荀堯問

以鼠為璞

昔鄭人以乾鼠為璞鬻之於周宋愚夫亦寶焉石緹襲十重出夫觀之者掩口胡盧而笑尹文子曰鄭人謂玉琢者為璞周人謂鼠未腊者為璞周人遇鄭賈人曰欲買璞乎鄭賈曰欲之出璞示之乃鼠也因謝不取晏類要

好琴鼓瑟

齊王好琴有求仕於齊者操瑟而往立王之門二年不得入者

曰吾悲鼓之而能使鬼神上下吾鼓瑟合軒轅氏之律呂爰屬之曰王好琴而子鼓瑟悲雖工如王不好何是所謂工於瑟不工於求齊也韓文

以玉為石見玉門

問柏枝名

韓愈皇甫湜一代龍門牛僧孺携所業謁之其首篇說樂即捲卷問曰且以柏枝為在麻僧孺曰樂句二公大稱賞由此名振撫言

古今文集

雜著

上任德翁序十五歲作

唐子西

薛郡任公之教授通義也。士之曳長裾服方領抱書束帶優游於泮宮者數百人。英俊豪傑往往輩出。有少年書生曰唐某者。誦書不甚多。屬文不甚工。碌碌落落無可稱者。一日持一軸書。捍三十舌草衣麻屨。携袂登門。危言高論。不顧忌諱。公一見而嗟異之。再見而禮貌之。三見而怜恤之。勸戒勸篤。教論款密。其處之而不能自安。退而諮之於客。曰：公於我厚矣。吾將圖報矣。吾欲發言諷笑。巧言令色。以順適其意。以是報公。可乎？客曰：不可。是。小人之報也。吾將抱長劍。挾匕首。有惡聲至者。以血濺其襟。以是報公。可乎？客曰：是。俠客之報也。吾將淬文鋒。礪詞鋒。庶義起騰奮。躍高飛。遠舉於天下。使天下之人指之曰：斯人也。出於任公之門。以是報之。可乎？客曰：唯唯。是國士之報也。夫因事

以為原

琉璃瓶歌贈是二

張文潛

火維荒茫地軸傾。下有積水潛鯤鯨。鱗身翻瀾山為崩。金烏下啄。狎龍騰。狂鬚奇鬚萬族朋。巨神日月雙手擎。夸城愁思鳥戩。翔老魚戮死。風雨腥。長彗下掃千里驚。凌洲一席埋為城。靈兒夷女奇弁纓。大船舵。天日百程怒帆吼。風戰飛鵬。世中。之人。恠眉睛。歎肌烏舌髻。翹偉萬金明珠絡如繩。白衣夜明非縞繒。以有易無。百貨傾。室中開。燿光出。楹非石。非玉。色細青。昆吾寶。鉄雕春冰。表裏洞徹。中虛明。窅然而深。是為瓶。補陀真人一鉢衣。峯。藤。葉。坐。花。雨。飛。地。羅。寶。手。親。擎。携。楊。枝。取。露。救。渴。飢。海。師。傳。詩。願。有。祇。畚。禺。寶。市。無。光。輝。流。傳。人。間。入。吾。手。包。以。百。萬。吳。綿。

厚擇人而初今仔拔燦然光輝子文章清明無垢君肺腸比君之德君勿忘與君同并白玉堂

九江千歲龜歌贈無咎

張文潛

靈龜千年口不食以背負牀飲其息吾家兩龜豈徒不食亦不
息善與萬古無終極濟南是君博物天地通夜窺斗牛頗似晉
司空指我兩龜有名字太龜為九江小龜號千歲老龍洞庭怒
蕩覆堯九州禹咄嗟水平流九江無波拍天浮中有大靈背如
丘南風吹楚澤蓮葉青欲秀有物中作巢一寸玄八胃霞衣仙
人鬢如霜飲以南極之光芒丹顏老客一作瘦客不相見飛渡
東海巢一作朝扶桑邇來蟠桃枝有子犬如正浮遊輕於鳥一作
作我身輕若蓬

江海一回首青珊瑚柱碧瑤宮水仙焚香吹作

風朝戲蓮葉西暮遊蓮花東秋風蓮子熟匆去清江國小十歲

大九江我久不見之向君案前雙我謂是君二物育似我與子

國有守龜吾子是燦然天下之寶器黃金之勝紫瑤匱白玉端

冕史再拜一逆一從定大事我身百無用頗似千歲潛深淵不

極人間賒金籍二萬富貴但直奇身江上一葉之秋蓮萬物十

不才用舍不在天舒聲問是君然不然

贈二蘇公

陳無已

峨峨之山中巴江桂椒拂樞楓作檜青金黃玉丹砂良獸皮鳥

羽不足當異人間出駭四方嚴王陳李司馬楊一翁二季對相

望奇寶橫道驥服相誰其識者有歐陽大科異等固其常小

却盛之白玉堂典謨雅頌用所長度越周漢登虞唐千載之下

有素王平陳鄭毛視荒荒後生不作諸老亡文体變化未可量
萬口一律如吃菘妖狐幻人犬陸梁虎豹却走逢牛羊上帝惠
願拔不祥天門夜下龍虎音前驅吳回後炎皇絳旗舟載朱冠
裳從以甲冑萬鬼行乘風縱燎無留藏天高地下日月光授公
以柄扶病傷士如稻田待公秧臨流不度公為航如太醫王治
膏肯外證已解中尚強探囊一試黃莖湯一洗十年新學腸老
生塞口不敢嘗向來狂殺今尚狂請公別試囊中方

古風二首上蘇子瞻

一首見梅門

一首見松門

律詩

上知府寇相公

魏野

文武稟全才何人更可陪有官居鼎足無地起樓臺雪王詩左
和親王狀始回鎮臨求一陝調變輟三公鳳閣須重去龍旌暫
擁來下車二度用上事數聲雷未暇高珪璧先蒙訪草萊幾思
趨相府恐懼復徘徊

謁張安國

楊廷秀

帝苑花濃記並遊萬人回首看鰲頭也知旬月應顯面已通雲
香又作州別後聞公非故我學林着脚到前修登門猶說同年
情未覺紅鴛映白鷗

詩話

投梅花賦

事文類聚卷之二十一

卷之二十一

卷之二十一

劉禹錫上權舍人書曰昔宋廣平之沉下僚也蘇公味道時為
綉衣直指使者廣平投以梅花賦蘇盛稱之自是乃列於文人
之首

投贊不開

樂天不為贊皇公所喜每寄詩本緘之一篋未嘗開

先慢後敬

樂天未冠以文謁顧况况親姓名熟視曰長安米貴居天不易
乃披卷讀其芳草詩野火燒不盡春風吹又生歎曰吾謂斯文
遂絕今復得子矣前言戲之耳

金罍贊又

牛僧儒赴舉之秋嘗投贊於劉補闕禹錫對客展卷飛筆塗竄

其文歷二十餘歲劉轉汝州牛出鎮漢南在道汝州駐旌信宿
酒酣賦詩劉方悟徃年改公文卷僧孺詩曰粉署為郎四十春
今來名輩更無入休論世上昇沉事且聞樽前見在身珠玉會
應成咳唾山川猶覺靈精神莫嫌侍酒輕言語曾把文章謁後
塵禹錫和云昔年曾忝漢朝臣晚歲空餘老病身初見相如成
賦日後為丞相掃門人追思往事嗟嗟久幸喜清光笑語頻猶
有當時舊冠劍待公三日拂埃塵牛公吟和詩前意稱解曰二
日之事何敢當焉宰相三朝後王印可以昇降百司也於是移
宴竟夕方整前驅也劉乃戒其子咸又承雍曰吾成人之志豈
料為非汝輩進修守中為上古今詩話

梅詩見知

王沂公會為布衣時以所業贛晉文穆蒙正中有早梅詩其中句云雪中未論和羹事且向百花頭上開文穆云此生次第已安排狀元了做宰相矣已而果然湘山野錄

慶賀

群書要語 本復成而燕雀相賀淮南子 慶者在堂弔者在門禍

與福鄰莫知其門荀子 其非惟我賀將天下實賀昭八

詩句 閭里自相賀韓 還鄉問井邑上堂多慶喜歐 歸來見親戚

握手相弔慶歐 飢貧相乘除未見可弔賀坡

古今事實

慶弔相隨

蘇奉說齊王再拜仰而賀俯而弔齊王曰是何慶弔之相隨也

賀錢萬貫

單父人呂公善沛公避仇從之因家焉沛中豪吏聞令有重客皆往賀蕭何為主吏主進令諸大夫曰進不滿千錢坐之堂下高祖為亭長素易諸吏給曰賀錢萬貫不持一錢謂入呂公大驚起迎之門

不賀而弔

高祖使使拜蕭何為相國封為相國衛諸君皆賀故秦東陵侯名平獨弔謂何曰以淮陰新反有疑君心夫置衛衛君非以寵君願讓封勿受悉以家財佐軍何從其計上悅殺敵不受賀

後漢劉表為荊州牧時驃騎將軍張濟自關中奔南陽因攻襄
城中飛矢而卒官屬皆賀表曰濟以窮來主人無禮至於交鋒
此非牧意彼受弔不受賀也使人納其衆衆聞之喜遂皆服從
諸君何賀

荀勗自中書監迁尚書令甚愠有賀者勗怒曰奪我鳳凰池諸
君何賀耶

賀錢一千

呂僧珍生子宋季雅往賀者曰錢一千闈人少之不為通強
之乃進梁書

遷官不受賀

唐公文本初拜中書令有幕客母問之答曰非勲非舊責重位

高所以憂也有來賀者輒曰今日受弔不受賀

門無賀客

向敏中文簡除右僕射麻下日李昌武為翰林學士當對
真宗謂曰朕自即位以來未嘗除僕射今日以命敏中門下賀
客必多卿往觀之明日却對來勿言朕意也昌武侯丞相歸乃
往見丞相方謝客門闌悄然無一人昌武與向親徑入賀之公
但唯唯卒無一言既退復使人至庖廚中問今日有無宴會亦
寂無一人明日具以所見對上笑曰向敏中大耐官職筆談

官尊止賀

王文正公晚年官重每家人出賀立令止之因語其弟曰遭遇
如此愈增憂懼何可賀也公每有賜予見家人置於庭下乃瞑

事文類聚別集卷之二十六 各臣遺事 德壽堂梓

古今文集

雜著

誠子孫

董生有云弔者在門賀者在閭言有憂則恐懼敬事故事則必有善功而福至也又曰賀者在門弔者在閭言受福則驕奢驕奢則禍至故弔隨而來齊頃公之始藉霸者之餘威輕侮諸侯虜政蹇之容故被安革之禍隨服而亡所謂賀者在門弔者在閭也兵敗師破人皆弔之恐懼自新百姓愛之諸侯皆歸其所奪邑所謂弔者在門賀者在閭

對賀者

柳宗元

柳子以罪貶永州有自京師來者既見曰余聞子坐爭斥逐余適將唁字今余視子之貌浩浩然也能是遠矣余無以唁敢更以為賀柳子曰子誠以貌乎則可也然吾嘗若是而無志者即姑以戚戚為無益乎道故若是而已矣吾之罪大會王上以寬理入用和天下故吾得在此凡吾之貶斥幸矣而又戚戚焉何哉夫為天子尚書即謀畫無所陳而群比以為名蒙恥遇優以待不測之誅苟人爾有不汗栗危厲惻然者哉吾嘗靜處以思獨行以求自以上不得自列於聖朝下無以奉宗祀近丘慈徒欲苟生幸存庶幾似續之不廢是以儻蕩其心倡佯其形况乎若升高以望瀆乎若乘海而無所往故其容貌如是子誠以浩浩而賀我其孰承之乎嘻笑之怒其乎裂恥長歌之哀過乎

慟哭庸詎知吾之浩浩非戚戚之尤者乎子休矣

賀下不賀上

賀下不賀上此天下通語士人歷官一任得外無官謗中無所
愧於心釋肩而去如大執遠行雖未到家得清涼館舍一解衣
漱濯已足樂矣况於致仕而歸脫冠佩訪林泉頓平生一無可
恨者其樂豈可勝言哉余出入文忠公門最久知其欲釋位歸
田可謂切矣他人或苟以藉口公發於至情如飢者之念食也
顧勢有未可者耳觀與仲儀書論可退之節三至欲以得罪而
去君子之欲退其難如此可以為好進者之戒

志林

早稲田大学図書館

011488554060